

**FEDERALNO MINISTARSTVO TRGOVINE****570**

Na temelju članka 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), članka 12. Zakona o arhivskoj građi Federacije BiH ("Službene novine Federacije BiH", broj 45/02), članka 13. i 15. Uredbe o organiziranju i načinu vršenja arhivskih poslova u organima uprave i službama za upravu Federacije BiH ("Službene novine Federacije BiH", broj 12/03), federalni ministar trgovine donosi

**RJEŠENJE****O IMENOVANJU POVJERENSTVA ZA POPIS BEZVRIJEDNE I ARHIVSKE REGISTRATURNE GRAĐE****I**

U Povjerenstvo za popis bezvrijedne i arhivske registraturne građe u 2018. godini imenuju se:

1. Adrijana Prskalo, predsjednik
2. Edina Zukanović, član
3. Milica Rakić, član

**II**

Povjerenstvo iz točke I ovog rješenja obavljat će aktivnosti izvan radnog vremena, počev od 16.00 sati.

Tijekom rada sačiniti će se popis bezvrijedne registraturne građe po vrsti i količini za svaki ured posebno, te pojedinačne liste objediniti u jednu listu.

Iz srede arhivske registraturne građe koja je upisana u arhivsku knjigu, Povjerenstvo će izdvojiti dio registraturne građe, na temelju Liste kategorija registraturne građe sa rokovima čuvanja broj 01-05-437/16 od 08.02.2016. godine, koja se predlaže za uništenje i sačiniti popis bezvrijedne registraturne građe.

Po završenom popisu sačiniti će se izvještaj o provedenim aktivnostima, te isti dostaviti ministru.

**III**

Povjerenstvo će, sukladno pozitivnim propisima predmetne oblasti, završiti preuzete aktivnosti iz članka II ovog Rješenja zaključno sa 10.05.2018. godine.

**IV**

Predsjedniku i članovima Povjerenstva za rad pripada naknada sukladno Uredbi o načinu osnivanja i utvrđivanja visine naknade za rad radnih tijela osnovanih od strane Vlade Federacije BiH i rukovoditelja federalnih organa državne službe ("Službene novine Federacije BiH", br. 48/14, 77/14, 97/14 i 58/15), o čemu će se donijeti posebno rješenje.

**V**

Ovo rješenje će se dostaviti predsjedniku i članovima Povjerenstva, Službi za finansijske poslove, Službi za pravne i opće za opće poslove i referentu za poslove pisarnice i arhive.

**VI**

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 01-48-664/18

17. travnja/aprila 2018. godine  
Mostar

Ministar

**Zlatan Vujanović, v. r.****FEDERALNO MINISTARSTVO RADA I SOCIJALNE POLITIKE****571**

Na osnovu člana 17. stav (1) tačka i) i člana 58. stav (1) Zakona o hraniteljstvu u Federaciji Bosne i Hercegovine ("Služ-

bene novine Federacije BiH", broj 19/17), federalni ministar rada i socijalne politike donosi

**PRAVILNIK****O STAMBENIM I MATERIJALNIM USLOVIMA ZA OBAVLJANJE HRANITELJSTVA U FEDERACIJI BOSNE I HERCEGOVINE****I - OSNOVNE ODREDBE**

## Član 1.

(Predmet Pravilnika)

Ovim pravilnikom utvrđuju se stambeni i materijalni uslovi koje mora ispunjavati hranitelj za obavljanje hraniteljstva na području Federacije Bosne i Hercegovine.

## Član 2.

(Rodno značenje)

Izrazi koji se koriste u ovom pravilniku, a koji imaju rodno značenje, bez obzira jesu li korišteni u muškom ili ženskom rodu, obuhvataju na jednak način muški i ženski rod.

**II - OPĆI USLOVI ZA OBAVLJANJE HRANITELJSTVA**

## Član 3.

(Uslovi u pogledu stambenog prostora)

- (1) Stambeni prostor hranitelja mora biti u vlasništvu, suvlasništvu ili u zakupu hranitelja ili člana hraniteljske porodice.
- (2) Izuzetno od stava (1) ovog člana, stambeni prostor hranitelja može biti u porodičnoj kući hranitelja ili člana hraniteljske porodice ili stambeni prostor na kojem hranitelj ili član hraniteljske porodice ima pravo korištenja.
- (3) Ugovor o zakupu stambenog prostora iz stava (1) ovog člana mora biti sklopljen u trajanju od najmanje dvije godine računajući od godine u kojoj je podnesena prijava za obavljanje hraniteljstva iz člana 23. Zakona o hraniteljstvu u Federaciji Bosne i Hercegovine (u daljem tekstu: Zakon), odnosno dvije godine računajući od godine izvršene revizije stručne procjene iz člana 26. Zakona.
- (4) Stambeni prostor koji hranitelj koristi za stanovanje i prostor za smještaj hranjenika moraju predstavljati jednu građevinsku cjelinu sa zajedničkim ulazom.

## Član 4.

(Uslovi u pogledu komunalnih i drugih usluga)

- (1) Stambeni prostor hranitelja treba da ispunjava sljedeće uslove:
  - a) da je u naselju koje omogućava korištenje usluga predškolskih, obrazovnih, zdravstvenih i drugih ustanova, u zavisnosti od potreba hranjenika;
  - b) da je priključen na električnu mrežu i ima obezbijeđenu telefonsku mrežu;
  - c) da je priključen na javnu vodovodnu mrežu, odnosno da ima obezbijeđeno snabdijevanje higijenski ispravnom tekućom vodom;
  - d) da je priključen na javnu kanalizacionu mrežu, odnosno da ima obezbijeđen odvod otpadnih voda u stambenom objektu.
- (2) Izuzetno, ukoliko se stambeni prostor hranitelja ne nalazi u naselju koje omogućava korištenje usluga iz stava (1) tačka a) ovog člana ili se nalazi izvan naselja, isti mora biti saobraćajno povezan s naseljem koje omogućava hranjenicima pružanje usluga iz stava (1) tačka a) ovog člana.
- (3) Ako je stambeni prostor hranitelja kuća s dvorištem, kuća i dvorište ne smiju sadržavati predmete i sadržaje koji mogu ugroziti život i zdravlje hranjenika.
- (4) Ukoliko stambeni prostor hranitelja ima balkon i terasu, balkon i terasa moraju biti ograđeni ogradom visine najmanje 120 cm.

## Član 5.

(Uslovi u pogledu prostorija u stambenom prostoru)

- (1) Struktura i površina stambenog prostora iz člana 3. ovog pravilnika treba da zadovoljavaju potrebe svih članova porodice u pogledu adekvatnog prostora za dnevni boravak, kuhinju, trpezariju, prostora za spavanje i održavanje lične higijene.
- (2) Prostorije za spavanje ne mogu biti prolazne prostorije.
- (3) Kuhinja s trpezarijom mora imati prostor koji omogućava svim hranjenicima i članovima hraniteljske porodice istovremeno konzumiranje obroka.
- (4) Hranitelj koji brine o teže pokretnim hranjenicima ili hranjenicima u invalidskim kolicima mora da obezbijedi nesmetan pristup, kretanje i boravak tim korisnicima u stambenom prostoru.
- (5) U svim prostorijama u kojima borave hranjenici potrebno je obezbijediti grijanje.
- (6) Prostorije u kojima borave hranjenici moraju imati dnevno svjetlo i mogućnost prirodnog provjetravanja.
- (7) Oprema stambenog prostora treba da odgovara namjeni pojedine prostorije, te tehničkim i higijenskim zahtjevima.
- (8) U prostorijama za održavanje lične higijene (kupaćo, toalet) trebaju biti postavljeni rukohvati za teže pokretne hranjenike ili hranjenike u invalidskim kolicima.
- (9) Stambeni prostor mora biti uredno održavan.

## Član 6.

(Uslovi u pogledu ishrane, zdravlja i održavanja lične higijene)

- (1) Hranjeniku je potrebno obezbijediti pravilnu, raznovrsnu i kvalitetnu ishranu u zavisnosti od njegove dobi i zdravstvenog stanja.
- (2) Hranjeniku je potrebno obezbijediti najmanje četiri obroka dnevno.
- (3) Hranjeniku je potrebno obezbijediti odgovarajuću zdravstvenu brigu.
- (4) Hranjeniku je potrebno obezbijediti svakodnevno održavanje lične higijene.
- (5) U stambenom prostoru potrebno je obezbijediti mjesto za čuvanje lijekova dostupno hranitelju, odnosno drugom punoljetnom članu hraniteljske porodice koji može preuzeti brigu o podjeli lijekova.
- (6) Za teže pokretne i nepokretne hranjenike, hranitelj je obavezan obezbijediti odgovarajuća pomagala i minimum opreme za njegu hranjenika zavisno od njegovog zdravstvenog stanja.
- (7) Teže pokretnim i nepokretnim hranjenicima, kao i hranjenicima sa specifičnim potrebama potrebno je obezbijediti svakodnevnu pomoć pri odijevanju, hranjenju, obavljanju lične higijene i pomoć pri obavljanju fizioloških potreba.

## Član 7.

(Uslovi u pogledu odjeće)

Hraniteljska porodica je dužna da redovno kupuje za hranjenika odjeću i obuću odgovarajućeg kvaliteta, u zavisnosti od dobi hranjenika, u neophodnim količinama i vrsti u skladu s godišnjim dobom i potrebama hranjenika uz njegovo aktivno učešće u izboru odjeće i obuće i poštivanje njegovog mišljenja.

### III - POSEBNI USLOVI ZA OBAVLJANJE HRANITELJSTVA ZA DJECU

## Član 8.

(Uslovi u pogledu prostorija za spavanje)

- (1) Jednu prostoriju za spavanje može da koristi najviše troje djece predškolske dobi, odnosno dvoje djece školske dobi istog spola.
- (2) Prostorija za spavanje mora da ima najmanje 6 m<sup>2</sup> po djetetu, biti odgovarajuće namještena tako da svako dijete

ima vlastiti ležaj, a za djecu do tri godine dječiji krevetac, te ormar za odlaganje ličnih stvari.

## Član 9.

(Uslovi u pogledu igre i učenja)

- (1) Stambeni prostor hranitelja mora da ima odgovarajući prostor za igru i nesmetano učenje.
- (2) Za dijete školskog uzrasta potrebno je obezbijediti vlastiti radni sto i stolicu.

### IV - POSEBNI USLOVI ZA OBAVLJANJE HRANITELJSTVA ZA ODRASLE OSOBE

## Član 10.

(Uslovi u pogledu prostorija za spavanje)

- (1) Jednu prostoriju za spavanje mogu da koriste najviše dva odrasla hranjenika.
- (2) Prostorije za spavanje moraju biti opremljene ležajem, noćnim ormarićem i ormarom posebno za svakog hranjenika, manjim stolom i potrebnim brojem stolica.
- (3) Raspored opreme u prostoriji za spavanje mora biti takav da omogućava nesmetano kretanje hranjenika.
- (4) Prostorije za spavanje u kojima su smješteni nepokretni hranjenici moraju biti opremljene stolicima za serviranje obroka u krevetu.
- (5) Veličina ležaja mora biti prilagođena potrebama smještenih hranjenika i najmanje visine 50 cm.

### V - ZAVRŠNA ODREDBA

## Član 11.

(Stupanje na snagu)

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 05-02/3-737/18  
19. aprila 2018. godine  
Sarajevo

Ministar  
Vesko Drljača, s. r.

Temeljem članka 17. stavak (1) točka i) i članka 58. stavak (1) Zakona o udomiteljstvu u Federaciji Bosne i Hercegovine ("Službene novine Federacije BiH", broj 19/17), federalni ministar rada i socijalne politike donosi

## PRAVILNIK O STAMBENIM I MATERIJALNIM UVJETIMA ZA OBAVLJANJE UDOMITELJSTVA U FEDERACIJI BOSNE I HERCEGOVINE

### I - TEMELJNE ODREDBE

## Članak 1.

(Predmet Pravilnika)

Ovim pravilnikom utvrđuju se stambeni i materijalni uvjeti koje mora ispunjavati udomitelj za obavljanje udomiteljstva na području Federacije Bosne i Hercegovine.

## Članak 2.

(Rodno značenje)

Izrazi koji se koriste u ovom pravilniku, a koji imaju rodno značenje, bez obzira jesu li korišteni u muškom ili ženskom rodu, obuhvaćaju na jednak način muški i ženski rod.

### II - OPĆI UVJETI ZA OBAVLJANJE UDOMITELJSTVA

## Članak 3.

(Uvjeti u pogledu stambenog prostora)

- (1) Stambeni prostor udomitelja mora biti u vlasništvu, suvlasništvu ili u zakupu udomitelja ili člana udomiteljske obitelji.
- (2) Iznimno od stavka (1) ovog članka, stambeni prostor udomitelja može biti u obiteljskoj kući udomitelja ili člana